



BUQAR JYRAY JARSHYSY

Buqar jyraý aýdandyq aptalyq gazetі Еженедельная газета Бухар-Жырауского района
Gazet 1939 jyldyń 12 sáýirinen bastap shygady Газета издается с 12 апреля 1939 года

№1
(1645)

10

қаңтар 2026 жыл
января 2026 года

Жаңа серпінмен жаңғыру кезеңіне қадам жасайық

Түйіткілді мәселелерді ашық әрі тура айтып, елдің болашағына қатысты сұрақтарға жауап берген мемлекет басшысының сұхбатында көтерілген бірқатар мәселерге тоқталсақ.

Қоғамда оқу мәдениетін қалыптастыру қажет

Президент сұхбат басында әлеуметтік желілердің танымдық қабілетке кері әсер ететіндігін, жеңіл ақпаратпен шектелу қаупіне әкелетіндігін айтты. Осы тұрғыда басшымыз газет-журналдардың терең сараптама, ағартушылық және еңбек адамының шынайы болмысын танытудағы маңызын ерекше атап өтті. Осы сөздерімен ел басшысы жастарды баспасөз оқу мәдениетіне шақырды. Қоғамға ой салған сұхбат газет-журналдың беделін көтерді. Біз жаңалықты көрумен ғана шектелмей, мағынасы терең, танымы кең ақпаратты да қадірлей білуіміз керек. Оқу мәдениеті жоғары елдер әрдайым жаһандық дамудың алғы шебінде болатынын Президент сеніммен жеткізді. Біз, жастар да дәл осы жолды таңдап, білімді ұлтың жаңа толқыны болуға ұмтылуымыз қажет. Бұл – әр азаматқа бағыт беретін, ой-өрісті кеңейтіп, рухани жаңғыруға жетелейтін сұхбат болды.

Реформалар мен салық мәдениеті - ел дамуының негізі

Еліміздің өткен жылда жасаған ең құнды қорытындысы – мемлекетіміздің реформа-



Мемлекет басшысы Қасым-Жомарт Тоқаев «Turkistan» газетіне берген сұхбатында өткен жылды қорытындылап қана қоймай, ел дамуының жаңа белесіне қатысты маңызды бағыттарды айқындап берді. «Қазақстан жаңғырудың жаңа кезеңіне қадам басты» деген атаумен жарыққа шыққан мақаласында ел Президенті биылғы жыл бізден бұрынғыдан да көп еңбек, терең ізденіс пен бірлікті талап ететіндігін атап өтті.

лар жолына нық қадам басуы болды. Жаңғыру мен өркениетке ұмтылыс қоғам санасында берік қалыптасты. Әділдік, заң мен тәртіп, еңбеккерлік қағидаттарына негіз-

делген жаңа қоғамдық құндылықтар айқындалып, мемлекеттің болашағының маңызды тұғырына айналды. Алда атқарылар жұмыс көп екендігін айқындаған ел басшысы ең

бастысы – даму бағыты дұрыс, қарқын бар, мақсат айқын екендігін жеткізді.

Сұхбат барысында халық үшін де, мемлекет үшін де маңызды тақырып – салық ре-



формасы талқылануына байланысты тақырып қозғалды. Мемлекет басшысы салық кодексінде жасалған өзгерістер қалыпты жағдай екендігін түсіндірді. Жаңа Салық кодексінің басты ерекшелігі – жазалау немесе тексеруді күшейту емес, мемлекет пен бизнес, азаматтар арасында сенім мен серіктестік орнату. Яғни, әр тарап өз міндетін адал орындаса, салық та ауыртпалық емес, ортақ даму жолындағы әділ үлеске айналады.

Салық төлеу – тек міндет қана емес, елге пайда әкелетін жауапты қадам. Салық арқылы жол салынады, мектеп пен аурухана дамиды, инфрақұрылым жақсарады, қауіпсіз орта қалыптасады. Ал салық мәдениеті қалыптасқан қоғамда жемқорлық та азаяды. Себебі, қаржысының әділ жұмсалуды қалайтын, салығын адал төлейтін азамат – әділдік пен тәртіптің ең мықты тірегі.

Реформалар – қай елде де бірден түсіністікпен қабылдана бермейтін күрделі үдеріс. Мұндай сәтте жауапкершілікті мойнына алатын, қиын шешім қабылдай алатын көшбасшының рөлі ерекше маңызды. Мемлекет басшысының бұл жауапкершілікті өз мойнына алуы – ел болашағы үшін жасалған батыл әрі қажетті қадам.

(Жалғасы 5-ші бетте)

2026 жылға арналған аудандық мәслихаттың аппаратында Бұқар жырау аудандық мәслихаты төрағасының жеке тұлғалар мен заңды тұлғалардың өкілдерін жеке мәселелері бойынша қабылдау Кестесі

Азаматтарды қабылдайтын тұлғаның А.Ж.Т.	Азаматтарды қабылдайтын тұлғаның лауазымы	Азаматтарды қабылдайтын жері және уақыты	Байланыс телефоны
Асхат Сағадияұлы Әли	мәслихат төрағасы	Ботакара кенті, Абылай хан көшесі, 39, «Бұқар жырау аудандық мәслихатының аппараты» ММ, апта сайын сейсенбі күндері сағат 14.30-дан 16.00-ге дейін	8 (72154) 2-12-76

Азаматтарды қабылдауды ұйымдастыруға жауапты – аудандық мәслихат аппаратының бас маманы, алдын-ала жазылу 8 (72154) 2-12-76 телефоны бойынша.

График приема по личным вопросам физических лиц и представителей юридических лиц председателем Бухар-Жырауского районного маслихата в аппарате районного маслихата на 2026 год

Ф.И.О. лица, проводящего прием граждан	Должность лица, проводящего прием граждан	Место и время приема граждан	Контактный телефон
Әли Асхат Сағадияұлы	председатель маслихата	п.Ботакара, ул.Абылай хана, 39, ГУ «Аппарат Бухар-Жырауского районного маслихата», еженедельно по вторникам с 14.30 до 16.00.	8 (72154) 2-12-76

Ответственный за организацию приёма граждан – главный специалист аппарата районного маслихата, предварительная запись производится по телефону: 8 (72154) 2-12-76.